



DISPUTATIO OCTAVA,
DE POSTVLANDO
ET DE HIS QVI
 NOTANTVR INFAMIA.

Vbi obiter immixta Tra&ctatio de Adfessorum
 & Aduocatorum officio.

QVAM

Deo Auspicante

PRÆSIDIBVS

Clarissimis & Consultissimis Viris ac DD.

Dn. PETRO OSTERMANNO, I. V. Doctore, &
 Dn. ARNOLDO MAESS, SS. LL. Licentiato,
 respectiue Dictatore & Fisco.

In publico Iuridicæ facultatis apud Vbiss Auditorio, defendet

PATRICIVS CASSIDE Ibernus, AA. LL. ac Philoso-
 phiæ Magister & Iurium Studiosus.

Anno cId. Id. c. xx. Ix. die 5. Aprilis.

8.



COLONIE AGRIPPINÆ,

Excudebat Petrus Metternich, prope Augustinianos.

DE POSTULANDO
ET DE HIS QUI
NOTANTUR IN ANNA

Vniuersitati in iure et in
de Advocatorum officio

AVVA
Dno Magistro

In publico iudicio facta
PATRICIA CASARE BESSUS A. A. LL. et Philo-
phi Magister & Iurium S. doctus

Annus 15. c. 22. die 4. Aprilis



COLONIAE AGRIPINAE
Ex officio



CONTINVATIO.



Vm neque Pacto, neque Transactionibus lis mota sopita est, tunc ad pleniores postulationes, disceptationesque iudiciales confugiendum, Ideoque nunc de postulando, & de his, qui propter infamiam postulare non possunt, agemus.

CONCLUSIO PRIMA.

Postulare est desiderium suum, vel amici sui in iure apud eum exponere, qui iurisdictioni præest, vel alterius desiderio contradicere *l. 1. §. 2. ff. h. r.* neque accusare est, neque nomen deferre: nam postulare, cum ad iudicia publica refertur. *VVesemb. t. de procur. n. 2.* proprie illud significat, petere à prætore, vt liceat sibi lege aliqua publicorum iudiciorum, quempiam interrogare, vtrum in eam legem commisit, nec ne, vt si fateatur, ei lis æstimetur, si neget, eius nomen inter reos referatur. *Cic. ad Q. frat. lib. 1.*

2. Vocabulum postulare est ἐν τῷ πολλαχῶς λεγόμενον: Siquidem dicitur postulare capitis, pro reum facere criminis capitalis, *l. 53. ff. de fidei. & postulare expilatæ hæreditatis. l. hæres, Viri 33. ff. de neg. gest.*

3. Postulatio etiam est, alicuius personæ ad dignitatem, vel ad societatem fraternam vocatio; vel est personæ, quæ eligi non potest ad eligendum petitio. *r. r. X. de postul. Prælar.*

4. Postulare pro tribunali licet his, *l. 4. §. pen. ff. de dum. infect.* qui legum sunt periti, *l. 1. ibi (Iuris Studiosi) ff. de assess. & facundi, s. Illud vero 9. in proem. ff.* ob quam causam Aduocati facundissimi & disertissimi, &c. passim vocantur, *l. 13. Cod. Aduoc. diuers. iudicior.*

5. Nimia tamen loquacitas, & maledicendi temeritas illis vitio vertitur, *l. Quisquis. 8. C. de postul.* ne eis dicatur: GARRVLA PICA TACE. *Specul. de Aduoc. §. n. 2.* Cum insuper ob nimiam loquacitatem ab officio repelli possint *arg. eo in loco 5. q. 4. Spec. de Aduoc. §. 6. n. 12.* quæ iudicem sæpè molestijs onerat, & causæ fulcimina euertit; potissimum si plus eloquentiæ, quam iuris sapientiæ tribuitur. *Lancell. Polit. d. off. Aduoc. c. vlt.*

6. Legitimo matrimonio nati Assessorem agere possunt, *Myhsing. 4. obs. 31.* nam infamibus & vilibus personis dignitarum portæ aperiendæ non sunt, *l. 1. C. de dignit.* Assessura autem, dignitas & honor est. *Coras. ad l. 2. n. 4. ff. de*

off. assess. vnde modò nobilissimi vocantur, *l. prouidendum 7. C. de postuland.*

7. Debent etiam 25. annis esse maiores Aduocati, *Purp. in l. 1. n. 63. d. Assess.* quamuis, vt Nerua filius. *l. 1. §. 1. ff. de postul.* maiores 17. annis iudicii & eruditionis maturæ ad hoc munus admittantur, *Carp. an. 1. stat. Mediol. 65. n. 7.*

8. Hi primò legitime examinantur; semel coram Rectore prouinciæ, ex qua quis oriundus, vel si is absit, coram ciuitatis Defensore, vt ex Actis publicis cognoscatur, vtrum subiectus sit vitæ cohortali, nec ne: neque enim dignitas ordinis Aduocatorum patitur, vt in eum recipiatur, qui antea fuit apparitor, aut officialis vilioris conditionis homo. *l. 8. l. u. C. de aduoc. diuers. iudic.*

9. Semel item apud ICTos, vt constet de ipsius peritia. *d. l. 11. §. non aliter.* id est, vnde hodie Præses & Adseffores Cameræ in originem doctrinam & vitam antea actam aduocati inquirere iubentur, *Denais. t. t. Iur. cam. 232. n. 1.* vt eum non recipiant, quem crudeliter peccare in fumendo doctoris nomen indignè iudicant *gloss. c. 2. in Clem. de mag. & ne quid. sed illum tantum,* qui ex ordine Equestri defumitur, aut qui Doctor, vel Licentiatus insignitus legum & rerum forensium cognitionem habeat, *par. 1. ord. Cam. tit. 3. §. Desgleichen*

10. Deinde in matriculam recepti Aduocaturâ administrant. *l. 11. C. de Aduoc. diuers. iud.* verù hoc de statutis cuiusq; fori Aduocatis verum est: Nò etiam supernumerarijs, *Don. 18. Com. 3. part. 137.* sic in Camera certus aduocator numerus est, qui albo Camerali inscribitur. *d. t. 18. Denais. d. t. 232.* plures enim supernumerarij, quamuis licitum est ipsis litigantibus secum Aduocatos adducere, qui causam Cameralibus exponant, modò ad instantiam iudicis aut Partis de calumnia & malitia iurare parati sint, *p. 1. ord. Cam. 29.*

11. Requiritur denique, vt Aduocatus modico sit contentus, ne si lucro, pecuniaque aduocatus capiatur, velut abiectus & degener inter vilissimos quosque numeretur *l. 6. §. apud. in fin. C. de postul.* neque enim res sanctissima ciuili sapientia precio nummario aut æstimanda, aut dehoneftanda, *l. 1. §. 5. ff. de extraord. cogn.*

12. Hinc nec vllum contractum cum cliente celebrare potest, *d. l. 6. §. preterea. Denais. t. 244. n. 6.* ne cupiditate lucri abreptus, miserum suum clientem pecunia emungat & ab ipso quiduis per occasionem susceptæ litis extorqueat. *Donell. d. p. 144. & seq.*

13. Nec quisquam absidere in patria potest, *l. 10. C. de Assess.* An quia timendum, quod nullus Propheta sit in sua patria acceptus? ita vult *Accurs. in l. 37. ff. quib. ex caus. maior.* An idèò, ne gratiofus, aut calumniosus apud suos videatur, atque ita innocentia, & continentia trames excedat, quod opinatur *Ant. Fab. d. l. 37.* tamen concludunt in *d. l. 37.* ad quatuor menses ipsi de iure communi concessum esse in patria absidere, & vltra hoc tempus, cum consensu Principis.

14. Vt plurimùm ipsi litigantes aduocatum quærunt, *l. 2. ibi desiderantibus, C. de postul.* quandoque etiam iudices illum partibus dare solent, *l. r. §. 4. ff. de postul.* videlicet si publica vtilitas id suadeat; veluti si ipsi litigantes sint pauperes, minorenes, debiles, vel si per Aduersarij machinationem aduocatum inuenire nequeant. *l. 9. §. pen. de off. Procons.* Et quidem his Magistratus Aduocatum ex officio dabit salario ipsis ex publico constituto, quod idem est in Procuratoribus & Notarijs, *Benincas. de priuileg. pauper. quest. 7. n. 10. Gothofr. ad l. 156. ff. de Reg. Iur.*

15. Si Iudex videat ab vna parte nobilissimos & disertissimos, ab altera tenuiores stare, parem causidicorum distributionem faciet, vt vterque litigans habeat, qui prudenter ambigua fata causarum dirimere possint, *l. 7. C. de postul.*

16. Nobilissimi autem vt plurimùm sunt, qui multo tempore causas in foro orarunt. Nam quod dici solet:

Solus & Artifices qui facit, vsus erit.

vel hic maximè procedit. Neque enim si quis Theoricam iuris optimè intelligat, statim sine exercitatione præuia, ipsa media, quibus causæ succurrendum adinuenire, & proponere poterit *Lancell. Polit. de off. Aduoc. c. 8 n. 6.*

17. Assumere potest, vnus vel plures Aduocati, *d. l. 7.* iure Cameræ vnus saltem aduocatus causæ operari debet, adeò vt alius nec parti litiganti consilium suppeditare possit, *per. 1. ord. Cam. tit. 19. in pr.*

18. Admittitur etiam Aduocatus tam in causa criminali, quàm ciuili. de hac *tex. l. 5. ibi partis.* & passim, *C. de postul.* De illa in *l. 2. C. de exhib. reis.* Adeo vt pro criminosis interuenire possit, & si statuto banniti aut excommunicati Auxiliatoribus poena infligatur, veluti in receptoribus Bannitorum euenire docet, *Gail. 2. de p. p. 10. n. 1.* semper tamen is exceptus videtur *Clar. recep. sent. §. fin. quest. 28. de stat. 2. n. 2.* rectè enim cùm defensio sit iuris naturæ. *l. 3. ff. de Iust. & Iur.*

19. De Hæreticis tradunt Dd. teste *Vmmio disp. ad proceß. iud. 2. de Asses. thes. 7. n. 38.* quòd ipsi causam ex vinculis dicere cogantur. & rectè *Clar. 5. sent. §. hæresis. n. 19.* id admittit, vt procedat, quando constat quem hæreticum, & latronem esse, tum enim crimen est notorium, adeoque frustra Aduocatus accedere videtur; nam quod quibusdam in locis etiam notorio facinoroso Aduocatus datur, id totum præter necessitatem fieri existimat; Adeoque denegato Aduocato, ipsum rectè vltimo supplicio mancipari posse statuit, quotiescunque de corpore & qualitatibus delicti notoriè confitaret. *Vmmius cum alijs d. disp. ad proceß.*

20. Assessor ab adfidendo dictus est, *l. vlt. de asses.* qui magistratui assidet, viro militari & legum simul ignaro, *Cuiac. ad Nou. 82.* & à Principe dato iudici, qui certè pro magistratu habetur, *gloss. in c. 62. verb. delegatus. X. de postul.* & indicem dare potest, *l. à Iudice C. de Iud.*

21. Reliqui verò Iudices, Adseßores non habent, quos oportet iuris peritia

ritia tinctos esse, *Novell. 82. ibi. Cuiac.* nec delegati etiam iure Pontificio, præterquam si ijs indigeant. *c. Statutum. §. assessor. de rescrip. in 6.*

22. Afsidere, sic etiam postulare non potest insigni turpitudine notatus *l. 1. §. 5. h. t.* vel iste qui muliebria voluntate passus, capitali crimine damnatus operas suas locans, vt cum bestijs pugnaret, siue pugnauit, siue non, *l. 1. §. 6. ff. h. t.* item de quota litis cum cliente pactus, *l. 5. c. Eod. mulier, cæcus, l. 1. §. 5. h. t.* his adiungitur, Bannitus & Excommunicatus, quod ad maiorem excommunicationem restringit. *Specul. de Act. n. 13.*

23. Prohibetur postulare Religiosus professus in foro seculari, & ciuili, nisi ad ecclesiæ suæ vtilitatem causa pertineat, idque Abbate præcipiente fiat. *c. ex parte h. t.* item Clerici qui religiosi non sunt, coram seculari iudice, nisi in propria causa, vel suæ ecclesiæ, vel miserabilium personarum. *c. 1. X. h. t.*

24. Attamen coram seculari rectè postulant clerici minoribus ordinibus insigniti, si non alantur stipendijs ecclesiæ, *d. c. 1.*

25. Nec Decurio contra patriam, excepta patris, filij, pupilli causa, *l. 10. §. 1. de postulan.* Nec Aduocatus fisci contra fiscum, *l. 1. c. de Aduoc. fisco.* neque vassallus contra dominum, præterquam, si vt ingratus feudo priuari malit. *Specul. de Aduoc. §. 1. n. 30.* neque Clericus contra Ecclesiam à qua beneficium habet, sub priuatione beneficij, *c. fin. X. de postul.*

26. Quod si rectè fungitur officio Assessor vel Aduocatus hoc præmij habet: quod ab oneribus personalibus liber & immunis est, *l. 11. c. de assess.* & salarium publicum totius anni ad hæredes transmittit, etiam si ante anni finem moriatur, *l. 15. §. 1. c. de Aduocat. diuers. Iur.* & meritò, cum quasi per gloriam perpetuò viuere dicuntur. *arg. pr. inst. de excusat. tut. vid. l. 40. §. 1. de acquir. poss.*

27. Habet ius Castrensis peculij in bonis acquisitis, *l. 7. c. de assess.* & ex publico salarium consequitur, *l. vlt. de off. assess.* item eius filij, si idonei reperiantur in numero Immatriculatum aduocatum in electione, sine vlla suffragij præstatione & sumptu præferuntur, supernumerarijs, & extraneis, *l. 11. c. de Aduoc.*

28. Sed si contrario modo egerit Aduocatus, vel si nouum & iniquum ius magistratui suggerit, *Edicto, quod quisque Iur. &c.* subiicitur, cum ipse legum peritus virum militarem & iurium ignarum magistratum nihil dolo malo discernentem, instruere debeat, *Cuiac. 7. obs. vlt.*

29. Quid fiet, si aduocatus ad conuincendum Aduersarium suum fallacijs & deceptionibus vtatur? id in bona causa tantum frequentius obtinuit, *Myns. 3. obs. 6.* At id sine mendacio & periurio faciendum esse, monet rectissimè *Cagnol. in l. 66. n. 12. de reg. Iur.* vsque ad eò, quod nec in bona causa licitè Aduocatus vti possit cauillationibus & fallacijs, *Schrot. disp. 9. Arbor feud. in coroll.*

30. Sed pone casum, quod aduersarius intendat, me ipsi ex mutuo decem debe-

debere, quæ tamen sibi soluta nouit: Eo casu non dubito, quin simpliciter negare liceat, me ipsi quicquam debere: Nam qui soluit, nihil reuera debet, vt neutiquam mentiri eo in casu videar, *Accurs. in l. Si quidem. C. de Except. Guntierrez. 1. pract. quæst. 60. in fin.*

31. Sed an iure etiam negare possim, me ab ipso decem mutuo accepisse? si quidem præcisè ad eiusmodi positionem respondendum sit, vti in Camera Imperiali requiritur. iuxta *Gail. lib. 1. obser. 82. n. 5. & seqq.* Fac; ita positionem conceptam fuisse. *Wahr daß Segner zehen Thaler von mir geborget.* Affirm. *Covarr. 1. resolut. 2. n. 4.* quod liceat eam negare, prout ponitur, quo modo quis mendacium non effugere putem; Est enim certissimum decem mutuo data esse, vt si hic positionem neges, ipsum mutuum neges: Proinde *Marant. de confess. n. 28.* Eiusmodi positioni sic respondendum putat: *Nihil mutuaſti, propter quod ſim tibi obligatus.* Sed hæc responsio naturam responsionum egreditur, & catholica non est: Quapropter non negandam hanc positionem cenſeo, *Cauall. in comm. opin. quæst. 362. cum seqq. Guntierrez. 1. p. 2. quæst. 60. n. 1.*

32. Finitur aduocati officium morte eius, *l. Post duos. 15. §. his quoque. §. 1. C. de Aduoc. diuers. iud.* Aut eo, ab officio remoto. *l. Imperator. 8. h. r.* vel cum ipsa instantia finita est, cuius causam semel susceptam deserere non potest, si circumstantiæ aliud non suadeant, sed vsque ad eius definitionem causæ operari debet, *p. 1. ord. cam. t. 62. in fin.*

33. Definitionem causæ intelligunt, non quando planè causa vterius neque per appellationem, neque alio modo tractari potest, sed quamprimum in prima instantia per sententiam decisa est, & tum ipsius officium expirare, ita vt pro pacto salario, clientulo amplius patrociniū præstare non teneatur, docet *Pet. de bell. pert. ad l. 17. n. 16. C. de procurat.*

34. Vnde illud quæsitum est, si in prima instantia tuus fuerim aduocatus; an secundam rectè relinquere, & forsan ad aduersarij partes descendere queam? Negamus primò, quia definitiua illa neutiquam dici potest, quotiescunq; à prima instàtia prouocatur, *tex. in l. 32. §. 3. ibi suspensio. C. de Appell.* Secundò, quia Aduocatus secreta causæ Aduersario detegere, aut cum ipso colludere non potest, *l. 1. C. de Aduoc. diuers. iudic.* sub poena præuaricationis, *l. 1. §. vlt. ff. de præuar.* Tertio, sicut procurator, qui simpliciter Actionem suscipit, eam in prima instantia prosequi tenetur, *l. 17. C. de Procurat.* ita nec in secunda instantia ad Aduersarium meum Aduocato transire licet, vt in terminis docet, *Horat Carp. d. c. 443. n. 9.*

35. Effectus suscepti patrociniij & aduocationis est, à parte Clientis, quod omne commodum inde quæsitum ad ipsum redeat, non item incommodū, *vid. Don. 18. com. 4. in pr.*

36. Quod verò ad incommodum attinet, illud non statim ipsi litiganti impingendum, refert enim vtrum quid dolo fecerit aduocatus, an errore, si dolo, veluti si cum aduersario colludat, ad eò id factum Clienti non nocet

cet absenti, nec presenti, sed semper inde victo, etiam non prouocanti, col-
lusione detecta liceat ab ea vicissim agere, *l. 1. C. de Aduoc. 1. diuers. iudic.*
Don. d. c. 4.

37. Quod si per errorem iuris siue facti (nihil enim id refert, cum hic de
damno rei amittendæ agitur; vbi iuris errorem non nocere notissimum
est, *propt. l. 7. l. 8. ff. de Iur. & s. c. ignor.*) peccatum est, interest, an absente liti-
gante id factum sit, an presente. si prius, error Aduocati clientulo non nocet,
l. vlt. C. de err. Aduoc. si verò presente cliente erratum est; is error ipsi clien-
ti nocet, non minus, quam si ipse cliens in iudicio illum errorem admisisset,
l. 1. & ib. Az. in sum. n. 1. C. eod.

38. Planè si passim sunt triduum præterlabi, dicendum est, ipsis adhuc li-
cere post sententiam appellatione interposita illum errorem reuocare, *Don.*
& Dd. in d. l. vlt. quòd si ne illud quidem fecerint, deinceps cum erroris ad-
missi allegatione non audientur, *l. 7. d. l. vlt. de Iu. & fact. igno. ib. Accur. &*
Dd. com.

39. Hæc de Postulando. Nunc de Infamia, quæ est secundum *Bart. læsæ*
dignitatis status, *l. 1. n. 1. h. t. vel Accurs.* famæ immunitio, nota siue priua-
tio, *l. 1. C. eod.*

40. Vna est iuris, quam lex ob turpe aliquod commissum nocenti irro-
gat, *glos. & Dd. in l. 1. h. t.*

41. Irrogatur autem edicto, *l. 1. l. 2. h. t.* lege, decreto Principis, Scto, *d. l.*
1. & 2. h. t. aut sententia iudicis, *l. 13. S. ex compromisso. h. t.* nunquam per lau-
dum arbitri, *d. l. 13. d. S. ex compromisso.* nam famæ causa capitali æquipara-
tur, *l. 1. ff. in l. Actio. 6. n. 24. ff. de in lit. iuran.* vt igitur de vita & capite priuatim
statui nequit, *l. Liber homo. ff. ad L. Aquil.* ita nec ex compromisso existima-
tio cuiusquam imminui potest.

42. Priores tres species ipso iure vel ipso facto infamiam irrogant, hoc
est, statim post ipsum delictum infamia præoccupat sententiam, posterior
denum per sententiam ipsam & condemnationem, infamiam imponit, *l.*
Non distinguemus. 3. S. Iulianus. vbi Bl. d. Recep. arb.

43. Ipso iure notatur infamia ob solum delictum, & ob pactum de ma-
leficio cum pretio remittendo initum, *l. Nō damnatos. 18. C. h.* sic mulier ma-
cula existimationis aspergitur, quæ marito defuncto intra annum luctus al-
teri nubere festinauerit, *l. 2. C. de se. un. nupt.* nisi à Principe non prægnans id
impetrauerit, *Nov. 27. c. 47. ib. Cuiac.* vel maritus talis sit, quem more maio-
rum lugere non oportebat, *l. 11. S. 1. ff. h. t.*

44. Secus iure canon. quò mulier nubens intra hoc tempus infamia non
notatur. *c. pen. & vlt. de secund. nupt.* quæ tum ab omni pœna legali in odiū
secundi matrimonij apposita; nō verò ab ea, quæ in fauorem liberorum in-
troducenda est, liberatur, *Gal. 2. obs. 98. n. 8.* vnde mulier hoc casu non amittit
legata à defuncto marito sibi relicta, *Boer. decis. 186.*

45. Bina sponsalia, binasque nuptias eodem tempore contrahentes fiunt
infa-

infames, l. 2. *C. de incest. nupt.* Quia Polygamia etiam diuino, humanoque iure improbat, *Gorb. ad l. 7. C. de Iud.* vnde Noe non masculum & plures fæmellas assumpsit, *Gen. 7.* Sed D. Apostolus Paulus ait: Vnusquisque habeat uxorem suam, & non suas, *c. Gaudeamus. §. quia. de diuort.* Quæ propter damnatum rebellem naturæ legislatorem Turcarum Mahometum, qui, hodie vnicuique 12. uxores habere, & ancillas sine numero permittit.

46. Inter infames iuris, referuntur tutor, vel curator sibi filioe eam ducens, quæ sub tutela vel cura eius est, vel fuit, l. 17. *C. de interd. matr.* & qui improbum foenus exercent, & vsuras vsurarum illicitè exigunt, l. 20. *C. h. r. nec obstat conscientia debitoris, cum consideratur creditoris malitia, qui foenus exercet, vt aliena deuoret. l. Si quis seruo C. de furt.*

47. His additur, qui à iurata transactione, quam nullo cogente maiorennis iniit, recedit, l. 4. *C. de transact.* etfi Mulier sit, *Ias. ibid.* quæ tamen ignorantia iuris in casibus à iure expressis excusatur, l. fin. *C. de iur. & fact. igno.*

48. Non tamen hæres transigentis, *in d. l. 41.* quia iuramentum est vinculum personale, cohærens personæ iurantis, *c. veritatis de iuram. in 6.* nec comprehenditur vniuersitas, *in d. l. 41. cum ista,* vt pupillus iuuari debeat, l. 3. *C. de Iur. Reipub.*

49. Per sententiam infamia irrogatur, cum vel de infamia ipsa pronunciat, vel de delicto: Illius exemplum est, quando quis ab exercitu ignominie causa per Imperatorem, vel eum, cui ea de re statuendi potestas fuit, aut per exautorationem, vel insignium militarium detractiõnem, dimittitur, l. 1. *in. pr. l. 2. h. r.*

50. Ex sententia, quæ de delicto lata est, vt infamia quis notetur, hæc concurrere debent, vt de crimine publico & famoso *Pet. Greg. in syntagm. Iur. lib. 31. c. 29. n. 9.* vel etiam priuato infamante, & vt de dolo quis accusatus sit, *§. suspectus Inst. de suspect. tur.* vt & conuictus, & condemnatus, vel sententiam contra se latam, iustis remedijs non suspendit, *Gloß. in l. Athletas 4. in verb. fin. h. r.* Huiusmodi criminum exempla sunt ex publicis, homicidij poena, repetundarum, l. *Iud. ces 12. in verb. conuicti C. de dignitat. sacrilegij, c. Imperialem. §. calliditatis insuper vers. scriba verò. De prob. feud. alien. per Frid.* vt notarij propter instrumentum de rebus illicitis inter partes confectum damnati, *Zaf. in l. 2. §. fin. n. 17. in fin. de solut. matr.* deinde de falso damnati, l. 1. *h. r. l. furti. 6. eod.*

52. Priuatorum exempla sunt, furtum, l. *Si te. 12. C. h. r.* modò indicatum non extinguatur vi appellationis, l. 1. *§. vlt. ff. ad SC Turpill.* huc concurrit, Vi bonorum Raptorum, l. 4. *in fin. h.* etiam de dolo malo & fraude, l. 1. *h. nisi suscepto iudicio mox soluerit, Bart. in l. 22. h. r.* quia aliud est soluere, aliud confiteri; is enim qui confitetur, pro cõdemnato habetur, l. *vn. C. de confess.* idèd merito ex edicto prætoris infamia notatur. At qui soluit, non confitetur, vt cõdemnetur, sed vt euadat iudicium, *§. fin. Inst. de perpet. & temp. Act.*

52. Huc quoque referuntur iudicia quædam extraordinaria, vt si quis de crimine stellionatus damnatus est. si ex eo crimine defendat, quod etiam in priuato iudicio condemnato infamiam importet, *l. Quid ergo. 1. §. vii. h. t. Duar. 1. disput. 42.*

53. Huc facit sepulchri violati actio, *t. t. ff. de sepul. viol. & iudicium*, quod datur in calumniatorem, *l. 4. §. calumniator. 4. h. t. & in præuicatorem, l. 3. in pr. §. fin. de præuar.* Item mulier de qua pronunciatum est, eam calumnia causa in possessione ventris nomine fuisse, *l. 5. & seq. h. t. quod de tergiuerfatore ex Scto Turpill.* obtinere videtur, *arg. l. 1. 2. C. vt intra cert. temp.*

54. Huius quoque generis sunt moti ab ordine ex causa famosa, vt relegati, *l. Nullam. 14. C. h. qui quamdiu tempus relegationis durat, infames sunt.* hac tamen secundum *Vvesenb. in parait. h. n. 8.* adhibita distinctione, aut sententia relegationis temporalis clementior est delicto, idque vel ex causa, vel sine causa: priori casu, tempore exacto infamia expirat, *l. 3. verb. certis rationib. C. h. t. posteriori relegatus etiam finito relegationis tempore infamis permanet, per l. Generaliter. 3. ff. de Decur. l. ad tempus. 6. C. h. nisi hisce casibus duobus ex verbis sententiæ remissio iniuriæ appareat, l. 4. C. ex quib. caus. infam. aut sit sententia grauior delicto, l. Quid ergo. 13. §. pœna. h. l. Si Possidonium, 4. C. eod.*

55. Effectus huius infamiæ, præter supra enumeratos, est, quod infames à testimonio arcentur, *l. 3. ff. de testib.* ab accusatione, *l. Qui accusare de Accusat. & honore l. 2. C. de dignit.* quamuis ab oneribus, veluti tutelæ, arbitrio, procuratore, *c. pen. de regul. iur.* minimè liberentur, §. *fin. inst. de except.*

56. His adiungitur, quod hæres institutus à fratribus præteritis per quem relam inofficiosi repelli potest, quod & in infamia facti obtinet, *l. fratris. C. de inoffi. in verb. leuis nota macula.*

67. Nec illud omittam, in bonè constitutis rebus publ. & dicalsterijs sumorum Principum infames procuratores non admittuntur, *Gail. 1. obs. 43. n. 6.* nec in illis tabellio infamis creari potest, cum hodie merces ipsi non tam pro opera quam pro industria & publico authoramento constituta est. Ergo non sunt ignobiles tabelliones quod ex *Cicer. lib. 1. offic.* notauit *Alciat. in l. Mercis appellatione. de verb. signific.* vel si dicas eorum officium dignitatem non esse, tamen quia fidem requirit, & interdum ex malè gesto infamia notantur, absurdum erit fidem haberi turpi, & à perfidia infamem metu infamiæ absterere, *vide tamen Couarr. in pract. quæst. c. 19. n. 5.*

58. Iam facti sequitur infamia, quæ non iure, sed reipsa minuit apud bonos existimationem, vt si quis à iudice increpatur, *l. Ob hac verba. 20. h. t.* vel à parente in testamento perstringitur, *l. 13. C. eod.* vtraque infamia præter alios effectus à dignitatibus excludit, *l. 32. C. de decurion.* Vacationem verò à muneribus non tribuit, *l. vn. C. de infam.*

59. Nec spurij facti infamia communi, DD. calculo, liberantur, *Bl. in l. 4. in pr. ff. de lib. & postu. & proinde nec assessores in Camera, Myns. 4. obser. 27. vid.*

vid. *Ord. Cam. par. 1. 2. 3. §. Desgleichen*. nec Consiliarij Principum esse possunt, *Bl. in l. cum lege. ff. de stat. hom.* nec insignia Doctoris in quibusdam Academicis impetrare queunt, *Myns. d. obs.*

COROLLARIA.

I.

An Aduocatus in propria causa salarium petere possit? Negat *Gaill. 1. obs. 151. n. 17.* Quid si interesse petat, veluti, quod sibi mota lite præpeditus aliorum causas orare non potuit? Audietur. *Myns. 1. obs. 2. in fin.*

II.

An Aduocatus contra dominum suum vel patriam, causas defendendas, non obstante quod edictum de postulando sit prohibitorium, & nullibi hic casus prohibitus reperiatur, suscipere possit, Neg. *Ayres in processu suo. p. 1. c. 5. obs. 1.*

III.

An vtriusque partis consensu infamis ad laudabile Aduocatorum munus subeundum admitti possit, Neg. *Cuiac. in parat. C. quib. ex caus. infam. irrog.*

IV.

Aduocati circa salarium sunt melioris conditionis, quàm Medici. Nam Aduocato salarium præstitum, si per ipsum non steterit, quin causa expediatur, vt quia morbo laborat, aut diem obit, tunc salarium repeti non potest, arg. *l. 1. §. Diuus. 13. ff. Extraord. & var. cognit.* Secus est in Medicis, qui eatenus consequuntur salarium, quatenus laborauerunt. *Iohan. Sichard. ad l. fin. C. de cond. ob turp. caus.*

V.

Aduocatus promittens patrociniū causæ suo Clienti vsque ad sententiam definitiuam, in causa appellationis non tenetur denuò aduocare pro priori precio. *l. Properandum. 13. §. Illud procul dubio. Gloss. in verb. Terminum. & l. pen. C. de iudic. Matth. Coler. p. 2. decis. 230.* cuius distinctionem tamen non excludimus.

Au.

Auctaria Paradoxa Miscellanea Iuridico-Politica,
& Theorico - Practica.

I. Seruitutem in Republica Romana iterum introducendam vtile & non iniquum fore defenderem.

II. Probam Aquæ frigidae, quâ in examinatione Maleficarum Iudices in quibusdam locis etiamnum vtuntur, rationibus non ita ficulneis niti, salua determinatione sedis Apostolicæ, in scholis euincere tentabimus, cum *Iacob. Rick. in defens. compend.*

III. Quia nudum ius æstimatur solo vsu; Hinc ius naturale nulla ratio- ne ius dici potest. *A Egyd. Hortens. in pr. Inst. de I. N. G. & Ciu.*

IV. Iustinianus nullam iuris non scripti speciem in Pandectis reliquam fecit. *arg. §. 6. Const. de concept. Digest.*


F I N I S.




X 2874408

94 A 7386

VD 17





Farbkarte #13

B.I.G.

Inches 1 2 3 4 5 6 7 8 9 10 11 12 13 14 15 16 17 18 19 8
Centimetres

Blue Cyan Green Yellow Red Magenta White 3/Color Black

... OCTAVA,
VLANDO
HIS QUI
INFAMIA.
actatio de Adsefforum
rum officio.
A M
picante
DIBVS
tissimis Viris ac DD.
ANNO, I. V. Doctore, &
ss, SS. LL. Licentiate,
atore & Fisco.
pud Vbros Auditorio, defendet
rnus, AA. LL. ac Philoso-
arium Studiosus.
. Ix. die 5. Aprilis.
GRIPPINÆ,
h, prope Augustinianos.